

*Petrus à Christo in Apostolum electus, primus inter duodecim nominatur.*

IX. Christus ascendens in montem, vocavit ad se quos voluit ipse, & erat pernoctans in oratione Dei: & cum dies factus esset, vocavit Discipulos suos, & elegit duodecim ex ipsis, quos Apostolos nominavit, quorum nomina sunt hæc: Primus Simon qui dicitur Petrus, & Andreas frater ejus, Iacobus Zebedæi, & Ioannes frater ejus, Philippus, & Bartholomæus, Thomas, & Mathæus publicanus, Iacobus Alphæi & Thaddæus, Simon Chananæus, & Iudas Iscariotes, qui illum tradidit.

Et dedit illis potestatem curandi omnem languorem, & omnem infirmitatem, & eiciendi spiritus immundos. Ex Marc. 3. vers. 13... 19. Luc. 16. vers. 12... 16.

*Petrum Christus assumpsit secum, cum Iairi filiam suscitavit.*

X. Christus à Iairo rogatus, ut in domum suam veniret, & filiam suam unicam & duodecim annorum à morbo liberaret. Statim illā mortuā Christus eiecit omnibus qui illam mortuam flebant, & ejulabant, non permisit intrare quemquam, nisi Petrum, & Iacobum, & Ioannem: & patrem & matrem puellæ, cum eam suscitavit. Vide Vitam Christi Sect. 45. & Sect. 47.

*Petrus à Christo etiam assumptus est, cum ejus transfiguratio facta est in monte (Thabor.)*

XI. Assumpsit Iesus Petrum, & Iacobum, & Ioannem fratrem ejus, & duxit illos in montem excelsum, & dum oraret transfiguratus est ante eos, & resplenduit facies ejus sicut Sol, & vestimenta ejus facta sunt sicut nix. Ex Matth. 17. vers. 1. 2. Marc. 9. vers. 2. Luc. 9. vers. 28. 29. Vide Vitam Christi Sect. 85.

*Petrus super mare ambulat, ut ad Iesum iret, sed timens à Iesu sustinetur.*

XII. Iesu ambulante super mare Discipulisque è navi phantasma esse timentibus, ipso se esse dicente, Respondet Petrus: Domine si tu es, jube me ad te venire super aquas. At ipse (Iesus) ait: Veni. Et descendens Petrus de navicula ambulabat super aquam, ut veniret ad Iesum. Videns vero ventum validum, timuit, & cum cœpisset mergi, clamavit dicens: Domine salvum me fac. Iesus extendens manum apprehendit eum: Et ait illi: Modicæ fidei, quare dubitasti. Matth. 14. vers. 25... 31.

*Petri præclara confessio, & fides de Christo Filio Dei.*

XIII. Christus cum de pane cœlesti ageret, diceretque carnem suam manducandam esse, & sanguinem suum bibendum, si quis vitam æternam possidere vellet. Multis Discipulorum id non intelligentibus, & ab ipso abeuntibus, dixit Iesus ad duodecim (Apostolos): Numquid & vos vultis abire? Respondit ei Simon Petrus: Domine ad quem ibimus,

verba vitæ æternæ habes, & nos credidimus, & cognovimus, quia tu es Christus Filius Dei. Ioan. 6. vers. 48... 70.

*Petri confessio altera de Christo Filio Dei, ex qua primatus ei datus.*

Iesus erat in partibus Cæsareæ Philippi, & XIV. interrogabat Discipulos suos, quem se esse dicerent homines: Respondentibus illis, alios dicere Ioannem Baptistam, alios Eliam, alios Ieremiam, alios Prophetam aliquem surrexisse. Tunc dicit illis: Vos verò quem me esse dicitis? Respondens Simon Petrus dixit: Tu es Christus Filius Dei vivi. Respondens Iesus ei: Beatus es Simon Barjona (i. Filius Ioannis) quia caro & sanguis non revelavit tibi, sed pater meus, qui in cælis est. Et ego dico tibi: Quia tu es Petrus, & super hanc Petram ædificabo Ecclesiam meam: & portæ inferi non prævalebunt adversus eam, & tibi dabo claves regni cælorum, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis. Ex Matth. 16. vers. 13... 19. Marc. 8. vers. 27... 29. Luc. 9. vers. 18. 19. 20.

*Petrus à morte Christum avertere tentans severe reprehenditur.*

Christus Discipulis dicebat se iturum Ierusalem, ibique oportere se multa pati, & à Summis Sacerdotibus, & Scribis occidi, & post dies tres refurgere. Apprehendens eum Petrus cœpit increpare, dicens: Absit à te Domine, non erit tibi hoc. Iesus conversus & videns Discipulos suos comminatus est Petro, dicens: Vade retro Satana, quia non sapias ea, quæ Dei sunt, sed quæ sunt hominum. Matth. 16. vers. 22. 23. Marc. 8. vers. 32. 33.

*Petrus Capharnai piscem capit, & didrachma pro Iesu & pro se solvit.*

Et cum venissent (Iesus & Discipuli) XVI. Capharnaum, acceperunt qui didrachma accipiebant, ad Petrum, & dixerunt ei: Magister vester non solvit didrachma? ait Petrus: Etiam. Et cum intrasset in domum, prævenit eum Iesus, dicens: Ut non scandalizemus eos, vade ad mare, & mitte hamum: & eum piscem, qui primus ascendet, tolle: & aperto ore ejus, invenies staterem, illum fume, da eis pro me, & pro te. Matth. 17. vers. 23... 26.

*Petrus, & alii Discipuli Christum interrogant de tempore everisionis Templi, & urbis Ierusalem.*

Egressus Iesus de Templo unus ex Discipulis Templi Salomonis structuram, & magnitudinem miratus, illud brevi destructum iri dicit Christus. Et cum federet in monte Oliveti, acceperunt ad eum Discipuli, Petrus, & Iacobus, & Ioannes, & Andreas; & interrogaverunt eum, quando hæc eventura essent, & signum petunt sui adventus, & consummationis sæculi. Multa hinc prædicit Christus, de persecutionibus, quas ipsi sustine-